

NOU MINISTER RWAYONM

FEVRIYE 2014

SEMENN LE 10 FEVRIYE

Kantik 57 ek lapriyer

❑ **Letid Labib Kongregasyon:**

cl sapit 2 ¶21-24, bwat lo p. 24 (30 min.)

❑ **Lekol Minister Teokratik:**

Lektir Labib: Zenez 25-28 (10 min.)

No. 1: Zenez 25:19-34 (4 min. oubyen mwens)

No. 2: Bann ki ganny resisite pour rennyen avek Kris pou parey li—*rs-E* p. 335 ¶4—p. 336 ¶2; *rs-F* p. 323 ¶5—p. 324 ¶3 (5 min.)

No. 3: Keksoz degoutan—*Pwennvi Zeova lo idolatri ek dezobeisans—it-1-E* p. 17; *it-1-F* p. 612-613 (5 min.)

❑ **Renyon Servis:**

Kantik 94

15 min: Ki nou aprann? Diskisyon. Demann en dimoun pour lir Zan 4:6-26. Vwar konman sa bann verse i kapab ed nou dan nou minister.

15 min: “Amelyor nou abilite pour prese—Not bann ki entere.” Diskisyon. Kan sak sa bann pwen anba tit “Ki mannyer pour fer li,” pe ganny egzaminen, envit lodyans pour fer komanter lo akoz sa bann sizesyon i anmenn byenfe.

Kantik 98 ek lapriyer

Amelyor nou abilite pour prese —Not bann ki entere

“Vey byen ou lekor e fer byen atansyon avek ou lansennyman.” (1 Tim. 4:16) Sa konsey ki zapot Pol ti donn Timote i montre ki nou devret fer zefor pour progrese, ki swa nou nouvo oubyen nou annan leksperyans. Pour ed nou fer sa, pou annan en nouvo seri ki annan pour tit “Amelyor nou abilite pour prese” dan *Nou Minister Rwayonm*. Sak lartik pou diskite lo en abilite enportan e donn serten sizesyon lo ki mannyer pour amelyore. Pandan le mwan, tou dimoun i

ganny ankouraze pour donn en latansyon spesyal lo sa abilite. Apre ki sa mwan in fini, nou pou ganny loportinite dan en parti Renyon servis pour fer komanter lo konman ki nou’n benefisye par konsantre lo sa abilite pandan le mwan. Sa mwan nou ganny ankouraze pour not bann ki’n entere.

Akoz i enportan: Pour ranpli nou dewar, nou bezwen fer plis ki zis prese. Nou devret retourn kot bann ki’n montre lenter e ansenny zot. Dan sa fason nou pe aroz lagrenn laverite ki nou’n plante. (Mat. 28: 19, 20; 1 Kor. 3:6-9) Sa i vedir ki nou rezwenn sa dimoun, koz lo son bann konsern e kontinyen devlop plis nou konversasyon. Alor, kan nou zwenn dimoun ki entere, i enportan ki nou note.

Ki mannyer pour fer li:

- Fer sir ki ou annan sa ki neser dan ou sak pour not lenter bann ki ou’n zwenn. Gard ou bann not prop, byen organize e azour. Not deswit apre ki ou’n fini koz avek sa dimoun.
- Ekri lenformasyon konsernan sa met lakour. Ekri son non, ladres, nimerotelefon oubyen ladres imel. Ki ou’n obzerve konsernan sa dimoun ek son fanmir ki kapab enteresan?
- Ekri bann detay sa konversasyon ki ou’n fer avek li. Ki bann verse Labib ki ou’n servi? Ki sa dimoun in dir konsernan son krwayans? Ki piblikasyon ki ou’n kit avek li? Note ki ler, ki zour e ki dat ou’n vizit li.
- Ekri sa ki ou’n plàn pour fer la prosenn fwa ki ou vizit sa dimoun. Ki ou’n promet ou pou diskite? Kan ki ou’n dir ou pou retournen?
- Kit ou bann not azour sak fwa ki ou retournen. I pa en problem si ou ekri plis lenformasyon ki ou bezwen.

Esey sa pandan sa mwan:

- Kan ou note dir sa bann ki ou pe travay avek sa ki ou pe ekri.

SEMENN LE 17 FEVRIYE

Kantik 15 ek lapriyer

❑ **Letid Labib Kongregasyon:**

c/ sapit 3 ¶1-10 (30 min.)

❑ **Lekol Minister Teokratik:**

Lektir Labib: Zenez 29-31 (10 min.)

No. 1: Zenez 29:21-35 (4 min. oubyen mwens)

No. 2: Ki rezireksyon pou vedir pour limanite an zeneral—*rs-E* p. 336 ¶3—p. 337 ¶3; *rs-F* p. 324 ¶4—p. 325 ¶3 (5 min.)

No. 3: Abyatar—En aksyon enfidel i kapab gat plizyer lannen servis fidel—*it-1-E* p. 18-19; *it-1-F* p. 17-19 (5 min.)

❑ **Reyon Servis:**

Kantik 92

10 min: Koz avek lasaler dan predikasyon. Diskisyon baze lo liv *Lekol Minister* paz 118 paragraf 1 ziska paz 119 paragraf 4.

5 min: Eski ou pe servi jw.org dan predikasyon? Diskisyon. Envit lodyans pour rakont bann bon leksperyans ki zot in gannyen ler zot in servi jw.org dan predikasyon. Ankouraz lodyans pour fer lezot konn konsernan jw.org dan tou moman apropriye.

15 min: “Fer sa sezon Memoryal en moman lazwa.” Kestyon ek larepons. Envit bann ki pe plàn pour fer pionye asistan malgre en problemn lasante ouswa en programn byen sarze pour eksplike ki mannyer zot in aziste zot letan pour fer sa servis. Kan pe egzamin paragraf 3, envit sirveyan servis pour dir ki laranzman ki’n ganny fer pour bann reyon predikasyon pandan mwan Mars, Avril, ek Me.

Kantik 8 ek lapriyer

Fer sa sezon Memoryal en moman lazwa

¹ Eski ou ti a kontan pli zwaye pandan mwan Mars, Avril, ek Me? En fason pour fer sa se fer plis dan predikasyon e si posibil, fer pionye asistan. Ki mannyer sa pou fer ou pli zwaye?

² **Ogmant ou lazwa:** Zeova in kre nou avek

1. Nonm en fason ki ou kapab pli zwaye pandan sezon memoryal.
2. Ki mannyer ler nou fer plis dan predikasyon i ogmant nou lazwa?

sa kapasite pour eksperyans lazwa ek satisfaksyon ler nou ador li anmezir ki nou satisfere nou bezwen spirityel. (Mat. 5:3) I’n osi fer nou dan en fason ki nou kapab eksperyans lazwa ler nou donner. (Akt 20:35) Predikasyon i ed nou fer tou le de, ador Bondye e ed lezot dimoun. Alor, i evidan ki ler nou ogmant lakantite letan ki nou pase dan predikasyon, sa i ogmant nou lazwa. Deplis, pli nou prese, pli nou vin kalifye pour anons Parol Bondye. Pli nou kalifye pli nou ganny plis konfidans e nou lafreyer i diminyen. Nou pou annan plis loportinite pour rann en temwanyaz e pour konmans bann letid Labib. Tou sa la i fer predikasyon vin pli gou.

³ Mars ek Avril i sirtou bann bon mwan pour fer pionye asistan akoz nou kapab swazir pour fer 30 oubyen 50 erdtan. Deplis, apartir Sanmdi le 22 Mars ziska zour Memoryal Lendi le 14 Avril, nou pou partisip dan en kanpanny pour envit lezot pour asiste Memoryal. I pou annan gran leksitasyon dan bann kongregasyon vi ki en kantite pou travay “zepol kont zepol” pour kouver o maksimomn posibil bann teritwar pandan sa letan.—Tsef. 3:9

⁴ **Prepar la konmela:** Si ou pa ankor fer li, pran letan pour revwar ou programn e fer azisteman pour ou kapab ogmant letan ki ou pase dan predikasyon pandan en mwan ou plis. Priy lo la. (Zak 1:5) Koz lo la avek ou fanmir ek lezot dan kongregasyon. (Prov. 15:22) Malgre problemn lasante oubyen en travay a plen tan, ou osi ou kapab eksperyans sa lazwa ki ou gannyen ler ou fer pionye asistan.

⁵ Zeova i anvi ki son bann serviter i zwaye. (Ps. 32:11) Ler nou esey nou mye pour ogmant nou predikasyon pandan sezon Memoryal, i pa pou zis fer nou pli zwaye me i pou osi fer plezir nou Papa dan lesyel.—Prov. 23:24; 27:11.

3. Akoz Mars ek Avril pou sirtou bann bon mwan pour fer pionye asistan?
4. Ki nou devret fer si nou anvi fer pionye asistan?
5. Si nou ogmant nou predikasyon pandan sezon Memoryal ki rezilta sa pou anmennen?

SEMENN LE 24 FEVRIYE

Kantik 101 ek lapriyer

❑ **Letid Labib Kongregasyon:**

c/ sapit 3 ¶11-18 (30 min.)

❑ **Lekol Minister Teokratik:**

Lektir Labib: Zenez 32-35 (10 min.)

Revizyon Lekol Minister Teokratik (20 min.)

❑ **Renyon Servis:**

Kantik 96

5 min: Konmans en letid Labib lo premye Sanmdi. Diskour. Fer resorti bann laranzman ki'n ganny fer pou predikasyon premye Sanmdi mwan Mars. Servi prezantasyon lo paz 4 pour fer en demonstrasyon.

15 min: Lenportans pour persiste. Diskisyon baze lo *Yearbook* 2013 paz 45 paragaf 1 ziska paz 46 paragaf 1 ek paz 136-137. Envit lodyans pour fer komanter lo leson ki zot in aprann.

10 min: "Kanpanny pour lenvitasyon Memoryal pou konmans le 22 Mars." Diskour par sirveyan servis. Donn tou dimoun dan lasistans en lenvitasyon e diskit son konteni. Revwar bann pwen dan let lenstriksyon ki'n ganny anvoye pour bann ansyen e fer resorti bann laranzman pour kouver teritwar.

Kantik 109 ek lapriyer

Kanpanny pour lenvitasyon Memoryal pou konmans le 22 Mars

Nou kanpanny sa lannen pour envit lezot pour asiste Memoryal i konmans Sanmdi le 22 Mars. Tou proklanmater i ganny ankouraze pour byen partisipe. Dan bann wikenn, nou pou osi ofer bann magazin kan i apropiye. Premye Sanmdi Avril nou pou konsantre lo distribye bann lenvitasyon olye konmans bann letid Labib. Par kont, si nou zwenn en dimoun ki vreman enterese, nou kapab kantmenm esey konmans en letid Labib. Sirveyan servis i kapab decide si distribisyon bann lenvitasyon par temwannaz enformel pou kapab ede pour zwenn plis dimoun dan teritwar. Fer en lalis la konmela bann ki ou ti a kontan envite ki swa ou fanmir, koleg travay, kanmarad lekol, bann retourn vizit ek lezot dimoun ki ou konnen e donn zot en lenvitasyon ler kanpanny i konmans. Nou swete ki bokou pou zwenn ansanm avek nou pour komemor sa de pli gran fason ki Zeova ek Zezi in demontre lanmour. —Zan 3:16; 15:13.

Revizyon Lekol Minister Teokratik

Sa bann kestyon pou ganny egzaminen dan Lekol Minister Teokratik pandan semenn le 24 Fevriye 2014.

1. Kwa ki Satan ti fer Ev konsantre lo la, e ki Ev ti montre par manz fri dan sa pye dibwa ki i ti'n ganny defann pour manze? (Zen. 3:6) [6 Zan., w11-SC 1/5 p. 19 par. 5; w11-E 15/5 p. 16-17 par. 5]
2. Ki mannyer Abel ti'n kapab devlop en lafwa for e ki rezilta sa ti anmennen? (Zen. 4:4, 5; Ebr. 11:4) [6 Zan., w13-SC 1/1 p. 12 par. 3; p. 14 par. 4-5; w13-E 1/1 p. 12 par. 3; p. 14 par. 4-5]
3. Ki mannyer paran i kapab protez zot zanfann pour pa admir bann dimoun "for" e "popiler" dan sa lemond? (Zen. 6:4) [13 Zan., w13-SC 1/5 p. 11 par. 2; w13-E 1/4 p. 13 par. 2]
4. Ki nou aprann ler nou lir sa resi lo Lot ek son madanm dan Zenez 19:14-17, 26? [27 Zan., w03-SC 1/1 p. 27 par. 20; w03-E 1/1 p. 16-17 par. 20]
5. Ki mannyer Abraam ti demontre son lafwa dan rezireksyon e dan promes Zeova ki sa desandans ti pou vin atraver Izaak? (Zen. 22:1-18) [3 Fev., w09-E 1/2 p. 18 par. 4]
6. Ki Laverite enportan nou kapab aprann avek sa profesi ki'n ganny ekrir dan Zenez 25:23, ki dir ki "sa enn lene pou servi sa enn pli zenn"? [10 Fev., w03-E 15/10 p. 29 par. 2]
7. Ki sinifikasyon rev Zakob ki ti enplik "en peron"? (Zen. 28:12, 13) [10 Fev., w04-SC 1/2 p. 16 par. 5; w04-E 15/1 p. 28 par. 6]
8. Akoz Labann ti enkyet pour reganny sa terafim ki ti'n ganny vole? (Zen. 31:30-35) [17 Fev., it-2-E p. 186 par. 2; it-2-F p. 100 par. 1]
9. Ki nou aprann avek larepons ki sa lanz ti donn Zakob dan Zenez 32:29? [24 Fev., w13-E 1/8 p. 10]
10. Ki fason nou kapab evit bann konsekans parey sa ki ti arive avek Dina? (Zen. 34:1, 2) [24 Fev., w01-E 1/8 p. 20-21]

SEMENN LE 3 MARS

Kantik 112 ek lapriyer

❑ **Letid Labib Kongregasyon:**

cl sapit 3 ¶19-21, bwat lo p. 34 (30 min.)

❑ **Lekol Minister Teokratik:**

Lektir Labib: Zenez 36-39 (10 min.)

No. 1: Zenez 37:1-17 (4 min. oubyen mwens)

No. 2: Akoz bann ki resisite pa pou ganny kondannen pour sa ki zot ti fer dan lepase—rs-E p. 338 ¶1; rs-F p. 326 ¶1 (5 min.)

No. 3: Abigail—Demontre bann kalite ki onor Zeova—it-1-E p. 20-21; it-1-F p. 20, Abigail No. 1 (5 min.)

❑ **Renyon Servis:**

Kantik 117

10 min: Ofer bann magazin pandan mwan Mars. Diskisyon. Konmans par fer demonstrasyon pour montre ki mannyer sa bann magazin i kapab ganny ofer par servi bann prezantasyon lo sa paz. Apre sa, egzamin sak prezantasyon depi son konmansman ziska finisyon, petet par lir enn ou de fraz a la fwa e envit lodyans pour fer komanter lo bi sa enn ou de fraz ki ou'n lir. Konkli par envit lodyans pour fer komanter lo ki mannyer bann magazin i kapab ganny ofer ansanm avek lenvitasyon Memoryal pandan sa de dernyen wikenn sa mwan.

10 min: Bezwen lokal.

10 min: Ki mannyer nou'n fer? Diskisyon. Envit bann proklanmater pour fer komanter lo ki mannyer zot in benefisyer ler zot in aplik bann pwen dan lartik "Amelyor nou abilite pour prese—Not bann ki enterese." Demann lodyans pour rakont bann bon leksperyans ki zot in gannyen.

Kantik 95 ek lapriyer

Lanons

■ **Fevriye:** Servi enn ant sa bann brosir 32 paz an Kreol, Angle oubyen Franse: *A Book for All People, Labib—Ki son mesaz?, Ou Kapab Vin Zanmi Bondye, Real Faith—Your Key to a Happy Life, The Guidance of God—Our Way to Paradise, The Origin of Life—Five Questions Worth Asking, The Pathway to Peace and Happiness* ek *Why Should We Worship God in Love and Truth?* Ler ou pe fer retourn vizit, prezant sa met lakour liv *Ki Labib i dir?* ouswa si i pli apropiye dapre bezwen sa dimoun, prezant li brosir *Ekout Bondye e viv pour touzour* e esey konmans en letid Labib. **Mars ek Avril:** *Latour Veyer* ek *Awake!* Ler ou pe fer retourn vizit, prezant sa met lakour liv *Ki Labib i dir?* ouswa si i pli apropiye dapre bezwen sa dimoun, prezant

li brosir *Ekout Bondye e viv pour touzour* e esey konmans en letid Labib. **Me ek Zen:** *Ki Labib i vreman dir?* ouswa enn ant sa bann trak: *Ki ou pwennvi lo Labib?, Ki mannyer ou vwar lavenir?, Kwa ki pli enportan pour ki ou lavi fanmir i ere?, Lekel ki vreman kontrol lemonn?, ouswa Eski soufrans pou fini en zour?*

■ Tit diskour spesyal pandan sezon Memoryal 2014 pou: "Akoz en Bondye lanmour i permet lemal?"

■ Ler bann proklanmater pe fer temwanyaz an piblik zot *pa pou met* Labib lo latab oubyen lo prezwatwar pour ofer. Par kont, zot kapab donn en Labib avek bann ki demande oubyen bann ki demontre lentere senser pour laverite.

Prezantasyon

Pour konmans letid Labib premye Sanmdi mwan Mars

"Nou pe fer en pti vizit akoz en levennman ki pou arive le 14 Avril. Sa i komemorasyon lanmor Zezi. Serten dimoun pou komemor sa levennman akoz zot santi ki son lanmor ti vreman enportan. Lezot pa asire ki lanmor Zezi i vedir. Eski ou krwar ki ou ek mwan nou kapab benefisyer avek lanmor Zezi?" Les sa dimoun reponn. Montre li sa lartik lo dernyen paz *Latour Veyer* le 1 Mars an Angle. Vwar lenformasyon dan premye paragaf e lir en verse Labib. Ofer bann magazin e fer laranzman pour retournen pour diskite sa lot kestyon ki swiv.

THE WATCHTOWER® 1 Mars ANNOUNCING JERUSALEM'S KINGDOM

"Bokou dimoun i demande akoz Bondye pa met en lafen avek lenzistis ek soufrans ki annan dan lemond. Eski ou krwar ki i akoz Bondye pa enterese ouswa akoz i santi ki i byen ki bann imen pe soufer? [Les sa dimoun reponn. Apre lir Zan 3:16.] Menm si bokou i servi sa verse pour montre ki Bondye i enterese, zot pa asire konman ki lanmor garson Bondye i vreman benefisyer zot. Sa magazin i eksplike ki mannyer lanmor Zezi i fer li posib pour lenzistis ek soufrans fini lo later."

Awake!® Mars

"Nou pe fer en pti vizit pour esey eklersi en verse Labib ki bokou dimoun i pa byen konpran. [Lir Zenez 1:1.] Serten i krwar ki liniver in ganny kree, me lezot pa krwar. Me ou ki ou panse? [Les sa dimoun reponn.] Bokou i vwar li difisil pour krwar dan kreasyon akoz bokou sef relizye in ansenny sa ki Labib pa vreman dir. Sa magazin i donn bann leksplikasyon lo ki mannyer liniver in konmanse dan en fason lozik e diny konfyans."

